



CHANSON AN DANÇOU.

Var un ton nevez.



TOSTAIT amâ, tud a sqiant, me o ped hac o suppli ;
Manet e zòn amâ bouc'het gant va oll filosophi ;
Crignat a ràn va bisiet, ha frota a ràn va zal,
Ep gallout birviquen compren, en laret ràn ep farçal,
Ar charmantis d'ar yaouanqis, da lampat ha da zañçal.



An habitud-se deu gante, me a gred, var an douar,
Pe otramant en contractont da dri bla pe da bévar,
Vit p'allo ar grenardezet treina o c'hotillonon,
Hac ar grennardet o-unan boutoni o braguezen :
Na eller pelloc'h o derc'hel, ar yaouanqis so'n ø fen.



Un tam oc'h diveat, béleyen, d'o c'hervel d'ar
c'hatekis,

Ha pa ve possubl ec'h alfec'h, da gass o c'horf d'an Ilis ;
 O speret a so en dançou, gant se ne raint netra,
 Da galz deus ho qestionou o guenoyou a lar *ha!*
 Pa c'houlfet hac int vo christen, e respontint *ta la la.*



Neuze ec'h efet e coler, hac o zretot a ezen,
 Ha gouscoude m'en em sonchfec'h, na noc'h mann en
 o c'hichen :
 Noc'h qet capabl, gant oc'h oll studi, evelte d'en em
 beintàn :
 Pelec'h oufec'h-u c'hui laqat jour en ur c'hoef doublet
 a ràn ,
 Nac o mouchouer en calqen, pelec'h oc'h manet bremàn?



Na neus libouden a bemp bloas na zesco dêc'h ho
 gentel ,
 Bea o deus ur mizillour, pintet int en demezel ;
 Dec'h e voa en e jaqeden, na vouie qet e *Fater* ,
 Dantelezet ê e c'hoefou, brodet ê e davancher,
 Friset eo e c'holineten, rubanet e boutou lâr.



Me gred e clêvàn ar zoner savet var e variqen,
 Tano ê dioucouarn ar merc'het, sevel a reont o fenn,
 Deustu' comañcont da vresqen adreus an ed, ar c'hleuyou,
 Vel pa ve an diaoul var o lerc'h, pe otramant an ancou ;

Ha pa ve an ifern da dreuji, bepret e zint d'an dançou.



Pa vint êru var ar blenen elec'h ma vo an ebat,
Evit n'em disqueus d'ar botret, e clasqint eur c'hleus
benac ;

Neuze fichint o davancher, e tressint o zoaleten,
Evit pa dremenint potret charmi o amoursien,
Rêi da emâ ur zêr-lagad, d'eguile ur c'hoarzaden.



C'hoes ar botret, pa dremenont, a ra strica o c'halon ;
O daoulagad so flambousesou alumet gant Cupidon :
Trei ha distrei a reont tout, gant c'hoant da veza
qerc'het.

Qement e c'hrillont gant anvi da veza souden higet,
Penevert n'en dê qet ar c'his, e larjent : hastit potret.



Ar botret so er c'hostez all dastumet a vandennou,
N'int qet vit dere'hel o bragou anez caout ur bretellou ;
Ema'l lèz e beg o friou, roet gant o mamou dê ;
Tri anê ne dint qet capabl da gass bioc'h d'ar c'holle :
Cetu eno ar ganfardet a so' tançal nos ha de.



Ne oun ha me a so troublet, pa velàn peder demezel,
Peb a baraplui so gante, me gred sei pe satin selêr ;

Ma vije het tom an amzer, o doa peb a barassol ;
 Evit beza distinguet mat hac enoret gant an oll ;
 O daouarn a so maneguet , d'ampech roussa gant an eol.



Patiantet, ô va Doue ! n'allàn mui en em zouten,
 Un debiter, benos Doue , n'eus ur montr en e c'hodel ;
 Neus messaer moc'h na devet, digoc'her saout na qezec,
 Ne neus ur bragou pont bian hac ur giletten fleuriet,
 Na zoug e doc var goste' scouarn, ur c'horn butun en
 e veq.



Pêvar ha pêvar e zeont da zaludi o mestres,
 O zoc en o dorn e c'houlont : Be o po ar vadelez.....
 Hep gortos fin ar c'homplimant, ar plac'h a respont ia ;
 Qement e deus c'hoant da lampat, qement emâ bars
 en joa,
 Elec'h rêi dezàn e c'houlen, e carfe en briata.



En ur rond en em leqeont, evit comañç da lampat ;
 Mar dê pec'het sellet dançal, o discoe na ne qet mad.
 Disparissit, gestou lubric, impudicationou ;
 Disparissit, disparissit, Danç, vocen an eñcou,
 Invantion an drouc-speret evit, boueta ar flamou.



Neuze vo an demezellet n'int qet qerc'het da zançal ;
 Oc'h ober an dro d'an dançou, hac oute tout façou fall,

O minou a ziscoe facil int antreet en coler,
 Mantret e zeo o c'halonou; vit apesi o c'holer
 Da gritica an dancierien ec'h implijont o amzer.



Sel, emei, pesort libouden a zo da zançal qerc'het!
 Onnes a so ur sovajen na voar na zomz na qerzet;
 Sel penos e mâ e dillat! sur ne deus qet teir ivis,
 He zad so e clasq e vara; sellit ouseven d'am bis;
 Ouspen trêgont vloas neus honont, e bleo a so dija gris.



Sel peguen sot e zeo onnes e qichen e c'havalier;
 Neus fors petra lar ar soner, ne ra nemet *têr-a-têr*;
 An *antrecha*, an *êl de pigeon* a ra tout gant al *lete*;
 Re bonner e zeo e boutou, na zistag qet ar *brize*;
Vals, chasse-huit nententont qet, na voar qet ar *balance*.



Me a vel an eol o cuza, finissa ra an dançou;
 Ar plac'het a lamp d'ar botret da furchat o godellou;
 Ret ê caout per pe avalou evit terri ar sec'het,
 Bigen na vint lêzet tranqil, qen a laro ar botret:
 Antreomp en hostaliri, mar bomp un dra benaqet.



Complimançhou rêi ar merc'het, pagomancint da eva;
 Mes na vo qet fin d'ar barti, na vo int vo ar goassa,

Goalc'hi reont o gorsailen, guin a dremenont,
 Carzet ê godel ar botret, ha bepret e leveront :
 Qen a vo bet ar guin-ardant, biqen d'ar guær na
 yefomp.



Crial hac uchal a reont en hent bras var boes o fenn ;
 An ini o c'hlêvfe a grête e ve ur foar o tremen :
 P'êruint en o demeuranç deus-tu' clasqint ar c'haignou ,
 Ha nê zeus den evit compren petra a reont eno ;
 Badianchou ep son clêyer alies so'n effejou.



Ar plac'h na gavo pot ebet, so e ber instant chanchet ;
 E c'hoef a laq var e bisach, adieu a laro d'ar bed ;
 En e dorn zo ur chapelet, sances e ma o pedi ;
 Pa sonch en amzer dremenet, ne ra nemet hirvoudi,
 C'hoant e deus da vont d'ar gouent, ha mui e'hoas da
 zemezi.



Cetui aze en orêson, hanval e eus ur zantez ;
 Ema' prometi da Zoue ferm na zemezo james ;
 Essa a ra trompla Doue, mes e c'homzou a zo lach,
 Rac en instant ma cav ur pot, e tol e froc er golach,
 E têt habit ha chapelet, evit comanç e menach.



Trivac'h vla n'eus an dancérés, pa gav ur pot e teme ;
 Hijet ê bet hac adhijet coulz en nos evel en de :

Ar pez a van goude hija a larer ne dal netra,
 Gouscoude ar pot e c'hemer a so carguet eus a joa,
 Ha varben un nebeut goude a laro *mea culpa*.



M'e guelfac'h ebars en dançou, ounnes a zo ur
 fleuren !

Admira a rê ar botret e c'hoantis hac e sqient;
 Excellant e voa d'al labour, menageres ar gaera,
 Bep nos divcat da gousqet, sevel a-rê da guenta,
 Preciussa greg a vije; mes chenchet e zê brêmâ.



Mar boa coant, pa voa plac'h yaouanq, brêmâ eo vil
 da flêryal.

E c'hotillon so cramennet, e blêo tennet var he zal,
 Dibren ê ganti ganti he dillad, collet ganti he spillou,
 Ar vic'hien demeus he fri a ziver en e guinou,
 Evit he souch, hep en em vastar, eo ret caout pinse-
 tezou.



Sans cess emâ o cluchennj e ti e c'homerezet,
 Pried, bugale ha menach, tout e vent abandonet;
 Ne voar na canna, na guelc'hi, na memes scuba he zi,
 Ne vanq na plous na foen ennàn, carguet ê a loustoni.
 Evit antre hep vomissa, ê ret stouva stard ar fri.



Pa za'n itron var e zorchen azeet en e c'hoase,
 Ha pa ve an tan dindanni, na zavo qet ac'hane;
 Implijet ê tout ar voyen, na neus qen manet netra,
 Ret ê bremâ chench a vicher, ret eo mont da glasq bara.
 An ozac'h, lec'h dont d'e c'honsol, a deu prest d'e bazata.



Cetu amâ ur son neve, cetu amâ un danç all :
Chasse-huit eo ret da ober, pe vea scòet ractal ;
 Ha pa vanco an danceres, deustu e devo ur vazat,
 Nac ouspen tól troad en he rêor, ma na ve buan a dioad,
 An danç qenta voa amiabl, mes omâ na ne qet mat.



Finissa a ràn va Chanson, na bad pelloc'h va sujet.
 O pedi a ràn d'am excus, mar emeus oc'h ofancet.
 Qement-mâ a zo abuzou, n'o guelomp nemet re bemde,
 Hac a deu sivoas re alies d'offansi ar Vajeste ;
 Bea int motivou indeçant eus a re a liberte.

F I N.